



Broj: 0101-1939-7/21
Sarajevo, 24.03.2021. godine

Na osnovu člana 69. stav (1), tačka (a) i 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka javne nabavke robe – Kompjuterska oprema LOT 1, na preporuku Komisije za javnu nabavku broj: 0101-1939-6/21 od 18.03.2021. godine, rektor Univerziteta u Sarajevu je d o n i o:

ODLUKU **o izboru ponuđača i dodjeli ugovora**

Član 1.

Prihvata se preporuka Komisije za javnu nabavku broj: 0101-1939-6/21 od 18.03.2021. godine i ugovor o javnoj nabavci robe – **Kompjuterska oprema LOT 1 (Kompjuterske konfiguracije)**, dodjeljuje ponuđaču **ITD d.o.o. Sarajevo**, Pijačna 114, 71000 Sarajevo, čija ukupna cijena ponude iznosi: **40.880,00 KM** bez PDV-a (slovima: četrdesethiljadaosamstotinaosamdeset KM i 00/100).

Član 2.

Izabrani ponuđač je dužan u roku od **3 (tri) dana** od dana zaprimanja ove Odluke, na adresu Univerziteta u Sarajevu, Obala Kulina bana 7/II, 71000 Sarajevo dostaviti originale ili ovjerene kopije dokaza traženih tačkom 13.1. Poziva za dostavu ponude br. 0101-1939-3/21 od 26.02.2021. godine, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 3.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 0101-1939-1/21 od 26.02.2021. godine, Univerzitet u Sarajevu je pokrenuo postupak javne nabavke robe – Kompjuterska oprema LOT 1 za potrebe Univerziteta u Sarajevu.

Za provođenje postupka predmetne javne nabavke, Odlukom broj: 0101-1939-2/21 od 26.02.2021. godine, imenovana je Komisija za javnu nabavku. Obavještenje o nabavci broj: 999-1-1-34-3-42/21 objavljeno je na Portalu javnih nabavki dana 26.02.2021. godine i Službenom glasniku BiH br.13/21 od 05.03.2021.godine.

Iz izvještaja o preuzimanju tenderske dokumentacije od strane ponuđača, kreiranog sa Portala javnih nabavki da 15.03.2021. godine u 10:01h, vidljivo je da su u periodu koji je ostavljen za

dostavljanje ponuda, sa Portala javnih nabavki Tendersku dokumentaciju preuzeli sljedeći potencijalni ponuđači:

IMTEC D.O.O.SARAJEVO, PROINTER ITSS DOO, EKAPIJA DOO, DOO INGEL TUZLA, TERTECH D.O.O., EMADO D.O.O.SARAJEVO, BBS EUROPE, S CONSULTING D.O.O.MOSTAR, INTER-COM DOO ZENICA, ROBERT“PLUS D.O.O., GRADPROM D.O.O.SRBAC, INFOCOMP D.O.O., NETWORK I DOO, PR“MEDIA MARKET, SMART COMPUTER, LANACO D.O.O., ALF-OM, DOPER-TECH, DASTA D.O.O., EDUTEH DOO, ASPO RAIL D.O.O., UNILAB D.O.O., TIME CODE D.O.O., PRINTEX D.O.O., ITD D.O.O. SARAJEVO, PROTIM D.O.O. SARAJEVO, ASBIS D.O.O., VERACOMP D.O.O., ELUR D.O.O. KISELJAK, EUNOIA D.O.O. SARAJEVO, R&S D.O.O. SARAJEVO, TELNET D.O.O., OR TARIK , KODEKS D.O.O., DISTI D.O.O. DIGITARIJA D.O.O. DRUSTVO ZA ZAVJETOVANJEI USLUGE U INFORMATICI, INTEGRACIJA ITC SOLUCIJA DOO (SOLINT DOO), DIJAL-"M".

Iz izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 15.03.2021 godine u 10:03 sati, vidljivo je da u periodu koji je ostavljen za dostavljanje pitanja i dodavanje odgovora (do datuma 10.03.2021. godine), od strane potencijalnih ponuđača **nije bilo postavljenih pitanja** za pojašnjenje Tenderske dokumentacije broj: 0101-1939-3/21 od 26.02.2021. godine i tehničke specifikacije za KOMPJUTERSKU OPREMU – LOT 1 (Kompjuterske konfiguracije)

Na Tendersku dokumnetaciju broj 0101-1939-3/21 od 26.02.2021. godine **nije bilo žalbi** od strane potencijalnih ponuđača.

Iz Zapisnika o otvaranju ponuda je vidljivo da je dana 15.03.2021. godine u 10:30 sati, Komisija za provođenje postupka nabavke, izvršila javno otvaranje blagovremeno prispjele ponude slijedećih ponuđača:

R. br.	Naziv i sjedište ponuđača	Broj prijemnog protokola	Datum i vrijeme prijema ponude
1.	IMTEC d.o.o. Sarajevo, Bulevar Meše Selimovića 95/III, 71000 Sarajevo	0101-2554/21	15.03.2021.godine u 09h:30 min
2.	„ITD d.o.o. Sarajevo, Pijačna 114, 71000 Sarajevo	0101-2556/21	15.03.2021.godine u 09h:33 min

Na javnom otvaranju ponude nisu bili prisutni predstavnici ponuđača. Od strane prisutnih na javnom otvaranju ponuda nije bilo primjedbi na postupak otvaranja ponuda, što je konstatovano u Zapisniku o otvaranju ponuda. Zapisnik sa javnog otvaranja ponuda je isti dan (15.03.2021. godine) upućen putem pošte ponuđačima IMTEC d.o.o. Sarajevo, Bulevar Meše Selimovića 95/III, 71000 Sarajevo i „ITD d.o.o. Sarajevo, Pijačna 114, 71000 Sarajevo. U Zapisniku o otvaranju ponuda je konstatovano da nije bilo neblagovremeno prispjelih ponuda.

Komisija za javnu nabavku je u Zapisniku o otvaranju ponuda sačinila sažetak ponuda primljenih u roku (kriterij za dodjelu najniža cijena).

Broj protokola ugovornog tijela	Redni broj omotnice ponude	Naziv ponuđača	Omotnica sa ponudom ispravno zatvorena (zapečaćena ili potpisana da/ne)	Ukupna cijena ponude	Ponuđeni popust
---------------------------------	----------------------------	----------------	---	----------------------	-----------------

0101-2554/21	1	Imtec d.o.o. Sarajevo, Bulevar Meše Selimovića 95/III, 71000 Sarajevo	Da	40.900,00KM bez PDV-a 0% Popust PDV 0,00KM 40.900,00KM	0,00 KM
0101-2556/21	2	ITD d.o.o. Sarajevo, Pijačna 114, 71000 Sarajevo	Da	40.880,00KM bez PDV-a 0% Popust PDV 0,00KM 40.880,00KM	0,00 KM

Iz Zapisnika Komisije je vidljivo da Komisija za provođenje postupka nabavke nije imala nejasnoća u ponudi ponuđača, niti je bilo grešaka u dostavljenoj ponudi.

U Zapisniku o pregledu i ocjeni ponuda Komisija za provođenje postupka nabavke je ocijenila da se na ponude ponuđača Imtec d.o.o. Sarajevo, Bulevar Meše Selimovića 95/III, 71000 Sarajevo i ITD d.o.o. Sarajevo, Pijačna 114, 71000 Sarajevo ne odnosi preferencijalni tretman domaćeg, obzirom da ponuđači nisu dostavili Potvrdu o preferencijalnom tretmanu od nadležne institucije.

Iz Zapisnika Komisije za provođenje postupka nabavke je vidljivo da se Komisija sastala nakon otvaranja ponuda 16.03.2021. godine u 11:00 sati i pristupila pregledu ponude, odnosno provjeri da li ponuđač ispunio uslove iz člana 45. do 49. Zakona o javnim nabavkama, koji su traženi Tenderskom dokumentacijom, odnosno da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije, te da li je kvalifikovan za nabavku predmetne robe.

Pregledom ponude ponuđača **IMTEC d.o.o. Sarajevo**, Bulevar Meše Selimovića 95/III, 71000 Sarajevo, Komisija je utvrdila da ponuđač u ponudi nije dostavio **odgovarajuću Potvrdu o uredno izvršenom ugovoru** u skladu sa zahtjevom iz Tenderske dokumentacije, odnosno u skladu sa tačkom 13.4.1.2. TD. Ponuđač je dostavio potvrde tri pravna lica, od kojih nijedna ne ispunjava uslov na način kako je Ugovorni organ zahtijevao u TD, te je Komisija ponudu ovog ponuđača ocijenila kao **NEPRIHVATLJIVU** i isključila ga iz daljeg učešća u postupku javne nabavke zbog neispunjavanja uslova za kvalifikaciju. Ugovorni organ je zahtijevao da ponuđač dostavi minimalno jednu potvrdu o uredno izvršenom ugovoru od minimalno 40.000,00 KM za LOT 1, dok je ponuđač dostavio tri potvrde od kojih nijedna nije na iznos od minimalno 40.000,00 KM.

Iz Zapisnika o pregledu i ocjeni ponuda je vidljivo da Komisija za provođenje postupka nabavke, nakon provjere računске ispravnosti dostavljene ponude, utvrdila da je ponuda ponuđača ITD d.o.o. Sarajevo, Pijačna 114, 71000 Sarajevo **RAČUNSKI ISPRAVNA**.

Iz zapisnika o pregledu i ocjeni ponuda je vidljivo da je Komisija za javnu nabavku izvršila rangiranje prihvatljive ponude ponuđača na slijedeći način:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	ITD d.o.o. Sarajevo, Pijačna 114, 71000 Sarajevo	0,00 KM	40.880,00KM bez PDV-a 0% Popust PDV 0,00KM 40.880,00KM

Iz zapisnika Komisije za nabavku je vidljivo da je za predmetnu nabavku, kao što je navedeno u Tenderskoj dokumentaciji broj 0101-1939-3/20 od 26.02.2021. godine i Obavještenju o nabavci broj: 999-1-1-34-3-42/21 od 26.02.2021. godine, predviđeno provođenje e-aukcije kroz sistem e-nabavke. Članom 3. stav (3) Pravilnika o uslovima i načinu korištenja e-aukcije („Službeni glasnik BiH“ broj: 66/16), regulisano je da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa članom 69. Zakona o javnim nabavkama. S obzirom da je u predmetnom postupku javne nabavke robe: **KOMPJUTERSKA OPREMA**, zaprimljena jedna prihvatljiva ponuda ponuđača **ITD d.o.o. Sarajevo**, Pijačna 114, 71000 Sarajevo, Komisija za javnu nabavku je konstatovala da se u skladu sa članom 3. stav (3) Pravilnika o uslovima i načinu korištenja e-aukcije, e-aukcija ne može zakazati.

Na osnovu navedenog, Komisija za provođenje postupka javne nabavke je dala preporuku rektoru Univerziteta u Sarajevu da za nabavku robe: **KOMPJUTERSKA OPREMA** za potrebe Univerziteta u Sarajevu, donese odluku o izboru i dodjeli ugovor ponuđaču **ITD d.o.o. Sarajevo**, Pijačna 114, 71000 Sarajevo, čija ukupna cijena ponude iznosi: 40.880,00 KM bez PDV-a (slovima: četrdesethiljadaosamstotinaosamdeset KM i 00/100).

Iz gore navedenih razloga, primjenom člana 69. stav (1) tačka a) i člana 70. stav (1), (3) i (6) Zakona o javnim nabavkama BiH, prihvaćena je preporuka Komisije za provođenje postupka javne nabavke i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj

Dostaviti:

1. ITD d.o.o. Sarajevo, Pijačna 114, 71000 Sarajevo
2. Imtec d.o.o. Sarajevo, Bulevar Meše Selimovića 95/III, 71000 Sarajevo
3. Služba za javne nabavke
4. Služba za finansije i računovodstvo
- ⑤ web stranica UNSA
6. a/a

Prilog: Zapisnik o pregledu i ocjeni ponuda